

Standardni uslovi nabavke HeidelbergCementa

za pogone u Bosni i Hercegovini (Tvornica cementa Kakanj, d.d. Kakanj i TBG BH d.o.o. Kakanj)

– Verzija iz juna 2011. –

Ukoliko drugačije ne bude ugovoreno, prilikom realizacije nabavke po ovom predmetu važit će "Standardni uslovi nabavke Tvornice cementa Kakanj i TBG BH, iz priloženog dokumenta.

I Općenito

1. Sljedeći uslovi i zahtjevi će biti predmet ugovora o nabavci. Drugi uslovi dobavljača neće biti dio ugovora, čak i ako nemamo izričitih primjedbi na njih ili smo svjesni dobavljačevih suprotnih zahtjeva i uslova, niti će bezuslovno preuzimanje robe biti dio ugovora.
2. Sve narudžbe, odobrenja i ugovori između strana, kao i bilo koja naknadna izmjena ugovora će biti važeća jedino ako je obostrano potvrđena u pisanom obliku.
3. Posebni uslovi će se primjenjivati na montažu, održavanje, kontrolu, popravke i druge usluge.
4. Naši uslovi nabavke će se također primjenjivati na buduće transakcije sa dobavljačem.
5. Lokalni uslovi nabavke navedeni u narudžbi ili pojedinačnom ugovoru će imati prioritet nad ovim opštim uslovima.

II Cijene

1. Cijene treba postaviti unaprijed u narudžbi bez indeksacije, osim ako nije drugačije definisano u pisanom obliku
2. Cijene uključuje cijene za sve dodatne usluge tražene sporazumom (npr. špeditorske takse DDP naša adresa, Incoterm 2010 (međunarodna pravila za tumačenje trgovačkih termina), pakovanje, osiguranje - izuzev transportnog osiguranja - troškovi kontrole)

III Vrijeme isporuke i klauzule

1. Ugovoreni rokovi su obavezni i moraju se bezuslovno poštovati. Za djelimičnu isporuku ili isporuku unaprijed mora postojati naša pisana dozvola. Dobavljač nema pravo da zbog dodatnih radova ili radova na izmjenama produži rok isporuke, osim ako nije unaprijed o tome postignut i potpisan sporazum.
2. Čim dobavljač uoči da neće biti u mogućnosti u potpunosti ili djelimično ispuniti svoje ugovorene obaveze ili ih ne može izvršiti po rasporedu, mora nas odmah obavijestiti navodeći vrijeme i razlog odgode.
3. Ako dobavljač nije izvršio isporuku/uslugu unutar predviđenog vremena bit će odgovoran prema zakonu. Alternativno, stičemo pravo da obračunavamo penale za kašnjenje u isporuci koji se, ako drugačije nije dogovoreno, obračunavaju u iznosu od 2% od naručene sume za svaku sedmicu kašnjenja, ali ne mogu preći sumu od 10%. Nakon četiri sedmice kašnjenja ovlašteni smo u potpunosti otkazati narudžbu.
4. Osim ako nije izričito dogovoreno, klauzula isporuke je DDP (isporučeno ocarinjeno) prema Incoterms 2010.

IV Pakovanje, označavanje i prijem

1. Pakovanje treba biti izvedeno na način da štiti robu od oštećivanja i gubitka vrijednosti tokom transporta do mjesta isporuke i tokom razumnog perioda skladištenja na propisan način. Osim toga, pakovanje treba biti takvo da uobičajeno transportno osiguranje daje kompenzaciju za štetu na robi.
2. Označavanje robe treba biti izvedeno u saglasnosti sa našim uputama, što međutim dobavljača ne oslobađa odgovornosti da obezbijedi da robu označi u skladu sa njenim osobinama u pogledu lomljivosti, vodopropusnosti itd. Naš broj narudžbe mora biti naveden na otpremnici, koja uvijek prati robu. Ako je roba isporučena bez otpremnice, dobavljač snosi punu odgovornost za bilo koji problem koji može nastati iz ovoga.

3. Dobavljač će nam u odgovarajućem terminu, a prije isporuke robe, dostaviti potrebne informacije o transportu i prijemu robe. Moramo biti posebno obaviješteni ukoliko isporuka sadržava opasne materijale.

V Količina i garancija

1. Dobavljač garantuje da isporučena roba u ugovorenoj količini, odgovara prihvaćenim tehničkim pravilima, statutarnom pravu i administrativnim propisima, a posebno onima koji se odnose na zaštitu okoliša, propise o prevenciji nesreća i zaštiti na radu, da nema defekta koji će eliminisati ili umanjiti njenu vrijednost ili prikladnost za uobičajenu/ugovorenu svrhu. Dobavljač je obavezan osigurati da je isporučena roba prikladna za navedenu svrhu.

2. Ako se na isporučenu robu primjenjuje Uredba (EC) No 1907/2006 Evropskog Parlamenta i Vijeća od 18. decembra 2006. (REACH – Uredba), dobavljač garantuje da je isporučena roba u skladu sa zahtjevima REACH Uredbe (uključujući registraciju). Dobavljač će nam nadoknaditi štetu zbog bilo koje potvrđene tužbe protiv nas od strane treće strane (uključujući i javne organe vlasti) nastale usljed neusaglašenosti sa REACH Uredbom.

3. Imamo prava na garancijska potraživanja kako je propisano zakonom. Nezavisno od ovoga, možemo, kao našu opciju, tražiti otklanjanje defekta ili naknadnu isporuku. U ovom slučaju, dobavljač snosi sve troškove potrebne za otklanjanje kvara ili naknadnu isporuku. Izričito zadržavamo pravo na odštetu. Odštetni zahtjev također uključuje naknadne štete uzrokovane defektom i finansijsku štetu.

4. Primjenjivati će se zakonom propisani garantni period. Ukoliko je pojedinačnim ugovorom dogovoren duži garantni period, poštovat će se taj duži period. Dobavljač snosi punu odgovornost da roba zadrži svoje ugovorom propisane osobine tokom garantnog perioda. Garantni period će se produžiti za period tokom koga se zbog defekta roba nije mogla koristiti u propisanu svrhu. Za popravljene ili zamijenjene dio, primjenjivat će se novi garantni period koji će važiti isti period vremena kao i za originalni dio.

5. Prijava defekta smatrat će se blagovremenom ako se defekt prijavi u roku od 10 radnih dana od momenta njegovog uočavanja.

6. Dobavljač garantuje da ima uspostavljen i održavan prepoznatljiv sistem osiguranja kvaliteta i da to može potkrijepiti dokumentima, ukoliko se to zatraži od njega.

VI Prava treće strane, prava industrijskog vlasništva i dizajn

1. Dobavljač garantuje da je isporučena roba slobodna u pogledu prava treće strane, a posebno da ne krši prava treće strane u pogledu industrijskih prava kao što su patenti, dizajn, trgovačka marka i trgovačko ime. Ukoliko je potvrđena tužba protiv nas od strane trećeg lica u pogledu navedenog, dobavljač će nam nadoknaditi štetu odmah nakon našeg prvog pismenog zahtjeva.

2. Strana koja dostavlja informacije ili dizajn je odgovorna za korektnost istih. Odobrenje druge strane ne isključuje od odgovornosti po ovom pitanju. Međutim, dobavljač je odgovoran za izmjene dobavljačevog dizajna predloženog od naše strane, osim ako je on postavio ograničenja u vezi ovakvih izmjena prije početka izrade.

3. Dizajn, crteži, modeli, statistički profili, nosači podataka i slično, kao i bilo koji drugi materijal koji dostavimo ostaje naše vlasništvo. Zaštićeni su autorskim pravima i ništa od njih ne može biti predano trećoj strani bez naše dozvole. Također ih treća strana ne može koristiti u propagandne svrhe čak ni nakon isteka ugovorom utvrđenog roka tokom kog se može dosuditi kazna za kršenje ugovora. Osim toga, svaki takav postupak nas ovlašćuje za povlačenje iz ugovora, djelimično ili u cijelosti, bez plaćanja kompenzacija.

VII Osiguranje

1. Dobavljač će na svoj trošak sklopiti policu osiguranja dovoljnu da pokrije štete koje je prouzročio on sam, njegovi zaposlenici, njegovi zastupnici ili roba sama od sebe.

2. Dobavljač će na naš zahtjev poslati dokaz o osiguranju. Ukoliko dobavljač to ne izvrši, mi možemo, na teret dobavljača, sami provesti osiguranje, koje obezbjeđuje ekvivalentnu pokrivenost.

VIII Upute u vezi transporta

Ako smo postigli pisani sporazum sa dobavljačem, kao izuzetak, po kome dobavljač ne snosi troškove transporta, bira se najprikladniji način transporta sa najnižom cijenom za nas.

IX Fakturisanje i plaćanje

1. Osim ukoliko nije drugačije predviđeno ugovorom o nabavci, faktura sa identifikacionim PDV brojem mora se dostaviti nakon isporuke ili izvršene usluge.
2. Dobavljač je dužan navesti naš broj narudžbe na svim fakturama, transportnoj dokumentaciji i pri svojoj ostaloj korespondenciji. Ukoliko to ne uradi, snosi odgovornost za sve eventualne probleme proizašle iz ovoga.
3. Rok za plaćanje počinje od utvrđenog vremena, ali ne prije izvršene isporuke/usluge prema ugovoru i dospijeća važeće fakture.
4. Plaćanje neće biti smatrano nagodbom u vezi standardnih uslova i cijene. Vrijeme plaćanja neće uticati na garanciju dobavljača i prava ulaganja prigovora u vezi defekta na robu.
5. Ukoliko nije drugačije izričito dogovoreno, možemo obaviti plaćanje na način i u valuti koju mi odaberemo, unutar 14 dana sa 3% rabata za promptno plaćanje ili neto iznos nakon 60 dana.
6. Traženje plaćanja za dodatne ili alternativne radove će biti odobreno samo ako smo u pisanom obliku to naveli. Ako imamo primjedbe na dobavljača u vezi isporuke možemo zadržati dio plaćanja u vrijednosti ekvivalentnoj primjedbama.
7. Pravo vlasništva na naručenu robu prelazi na nas nakon plaćanja te robe. Ukoliko je plaćanje izvršeno prije isporuke, dobavljač mora jasno identificirati robu kao naše vlasništvo jasnom oznakom i čuvati je odvojeno od ostale robe koju on posjeduje.
8. Za bilo koje avansno plaćanje možemo tražiti, na teret dobavljača, izdavanje bankovne garanciju ili drugo osiguranje koje je prihvatljivo za nas.

X Viša sila

Viša sila, koja uključuje rat i slične događaje kao i poslovni poremećaj bilo koje vrste, štrajk, blokade i druge uzroke i događaje koji vode smanjenju ili prekidu naših poslovnih aktivnosti, će nas ovlastiti da odložimo naše obaveze prihvatanja isporuke, te se u cijelosti ili djelimično povučemo iz ugovora. Odlaganje ili povlačenje ne ovlašćuje dobavljača za bilo kakvu žalbu u vezi bilo koje štete.

XI Mjesto izvođenja, primjenjivi zakoni i nadležnost

1. Mjesto izvođenja će biti mjesto u koje se roba treba isporučiti ili na kojem treba izvršiti usluge.
2. Ugovor i ovi uslovi će se ravnati prema bosanskohercegovačkim zakonima, izuzev ugovora o međunarodnoj nabavci robe, gdje se primjenjuju konvencije Ujedinjenih naroda.
3. Nadležnost za sve sporove proizašle iz ugovornih odnosa sa dobavljačem će biti u našem registrovanom sjedištu, ili po našoj opciji, opštoj nadležnosti dobavljača.

XII Valjanost pojedinačnih odredbi ugovora

Ako neka odredba u ovim Uslovima i zahtjevima jeste ili postane nevažeća ili poništena to neće imati uticaj na ostale odredbe. Strane će zamijeniti nevažeće odredbe sporazumom koji će se napraviti što je prije moguće u svrhu odvijanja nesmetanog poslovanja.